



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallela Geographiae Veteris Et Novae**

**Briet, Philippe**

**Parisiis, 1649**

§. 6. De præcipuis Græciæ insulis.

**urn:nbn:de:hbz:466:1-13167**

Προσέλθινες. Musicam magni fecere, & in eâ iuvenes sese diligenter excoluere. Annum diu trimestrem habuere, inquit *Plinius*. Formicas, & Ciconias vt Deos coluere, item & fulmina, & ventos quibus sacrificabant, quoniam illorum ope nihil eis nocuit Agis, cum Lacedæmoniis. In Iouis Lycæi templum qui sponte ingressus esset lapidibus obruebatur.

POLITIA. Paruere Regibus, quorum aliquos mactauere lapidibus. Mox in varias Respublicas distracti sunt, quæ tamen in speciem Oligarchiæ coalescebant, cum in Romana iura transiere.

§. 6. De præcipuis, & maioribus Græciæ Insulis.

N V M. I. De Creta, & Cretensibus.

NOMEN. Dicta est à Cretâ Nymphâ, vt legitur apud *Plinium*; aut à Cretâ vna Hesperidum, ait *Stephanus*; vel à Rege Cretâ, qui indigenis Eteocretibus imperauit, teste *Diodoro*. *Stephanus* ἀπὸ τῆς κόρης, Κορήτην appellatam credit, & syncope Κρήτην, sed quid velit per hanc vocem Κόρης nusquam reperi. *Curitis* quoque appellata est *Plinio* & *Solino* à Curetibus populis; item *Macaros*, & *Macaronissos* à cæli temperie. Idæam quoque, Chthoniam, & Aëriam dictâ esse notat *Stephanus*. Telchioniam à Telchinibus populis putant aliqui vocatam esse, sed auctores non laudant. Hecatompolis erat ex *Homero*, quod sic expressit *Virgilius*, *Centum vrbes habitant magnas*; licet nonaginta tantum fuisse annotet *Plato*.

QUANTITAS. Longitudo apud *Ptolemæum* defumitur à Coryco Pro. ad Samonium; quæ distantia reuocata ad maiorem circum ex *Ptolemæo* reddit 1542. circiter stadia. Latitudo verò à Psaco Prom. ad Hermeam, 584. circiter stadiorum est.

QUALITAS. Saluberrimi fuisse aëris ex nomine supra intellectum est. Erat montosa Regio, & syluestris, sed conualles habebat fertilissimas, inquit *Strabo*. Cupressi in eâ vbique sponte succrescebant maximè in Idæis, & Albis montibus, ait *Plinius*. Nulla hîc Noctua, nullum noxium animal, præter Phalangium, *Plutarchus*, *Plinius*, & *Alianus*. Canes hîc pugnacissimi *Ammiano*, item & *Polluci*, qui eos distinguit in Parippos, & Dioponos.

MORES. Pueros suos durius exercebant, & in turmas distributos nutriebant sub tutelâ hominis quem Ἀγέλατην appellabant.

Ecc ij



Cytharis & fistulis incendebantur ad prælium. Turpibus puero-  
rum amoribus infamati sunt, de quo plura apud Heraclidem in  
Politiis leges. Epulabantur *χαθήμενοι θρόνοις*; reliquos conuiuio-  
rum mores ex eodem Heraclide repetes. Erant item *εὐζένοι*, & pe-  
grinos primis sedibus honorabant. Fuerunt quoque Sagittarij  
optimi maximè Cydonenses, *Plutarchus*. Vino addictissimos facit  
*Athenæus*; fraudulentos, rapaces, nullius fidei *Plutarchus*. Men-  
daces vulgò audiebant; rationem reddit Scholiastes Callimachi,  
quia dicunt se habere sepulchrum Iouis primi inter Deos. Cætera  
ex Strabone, Athenæo, & aliis repetes.

POLITIA. Reges suos habuit, inter quos celebratur Asterius  
cui nupsit Europa à Ioue rapta, & vnde nati Minos, Rhadaman-  
tus, & Sarpedon. Hic quoque regnavit Minos alter, qui sibi ma-  
ris imperium arrogavit, & maritus fuit Pasiphaës, quam Taurus  
Dux vitiauit, fuitq; pater Androgeo, atque Ariadnes. Hinc quo-  
que Reges Idomeneus, & Merion, qui bello Troiano interfue-  
runt. Legislatorem habuere Minoem, qui nouem annis in antro  
Iouem dicitur interrogasse. Aristoteles in Politicis ait, in Reip.  
formam ordinatos fuisse, quam Lacedæmonij imitari conati sunt:  
de quâ lege eundem Philosophum Politicorum lib. 2. cap. 8.  
Tandem vt ait Velleius à Quinto Metello domiti sunt, cum for-  
tissimè restitissent, & in prouinciæ formulam sunt redacti.

N V M. 2. De Eubæâ, & Abantibus, seu Eubæensibus.

NOMEN. Eubæa dicebatur olim, Plinio teste, *Macra*, & *Ma-  
cris*, propter longitudinem, vt putat Gerbelius; vel à Macride  
Nymphâ nutrice Iunonis, vt vult Homeri Schol. Apud eundem  
Plinium nominatur quoque *Abantias*, *Chalcis*, *Calchodontis*, &  
*Asopis*: Abantias quidem, à populis Abantibus, qui vt ait Aristo-  
teles ex Abâ profecti sunt: Asopis, ab Asopo Eubææ Nymphæ  
patre: Chalcis à comite Asopi, vel quòd hîc primùm officinæ æ-  
rariæ inuentæ sunt. Apud Strabonem hæc quoque Insula dicitur  
*Onche*, & *Ellophia*: Onche quidem à monte hîc insolitæ magnitu-  
dinis; Ellophia verò, à Ioue Ellope. Ælianolib. 12. hist. Animal.  
cap. 33. ex Poëtis *Ἀρχιλοιοί* vocatur. Eius autem incolæ apud Ho-  
merum sæpe Abantes, numquam Eubæenses appellantur, inquit  
Strabo. *Eubæa* denique nuncupata est, vel ab Eubæâ nymphâ



prædictâ, vel ab Io boue, quasi βοὸς ὠλή, propterea quod Io hic in antro quodam Epaphum genuisset.

QUANTITAS. *Longitudo* eius ex Ptolemæo eiusque principiis est à Cœneo Pro. ad Caphareum Pro. stadiorum 1125. *Latitudo* verò à Cerintho ad Chalcidem metropolim 250. stadiorum.

QUALITAS. Olim Bœotix annexa erat, sed terræ motu, quo hæc Insula laborare solet, abrupta est, inquit *Strabo*. Calidis abundabat aquis; quæ in campo Lelanto, erant admodum salutares, ait *Plinius*: meminit idem Carystij marmoris, quod ad urbem Carystium effodiebatur. Item æs hic primò repertum fuit. Olympias ventus erat huic Insulæ peculiaris. De piscibus falsis, & Euripo dicemus in Admirandis.

MORES. Doctissimi fuere Eubœenses, & literis deditissimi, ut testantur Academia Eretriensis, & Chalcidensis, quarum meminit *Strabo*. Colebantur illic Gigantes Briareus, & Ægeon.

POLITIA. In eâ Abantes rerum potiti sunt ex Phœcide digressi, ut suprâ innuimus. Instituta postea duæ Resp. Chalcidis & Eretriæ, quæ Colonias dimiserunt in varias Regiones; his principia dederunt Athenienses, Aclus Eretriæ, Cothus Chalcedi.

NVM. 2. De Corcyra, Phœacibus, & Corcyraeis.

NOMEN. Dicta est hæc Regio *Corcyra*, & *Cercyra*: *Coreyra* quidem à *Corcyra* Nymphâ quam Neptunus rapuit, & in eam Insulam detulit, ait *Diodorus*. *Cercyra* autem à *Cercyre* Asopi filiâ. Appellata quoque *Phœacia* à *Phœaco* Neptuni & *Corcyræ* filio, ut vult *Stephanus*, vnde populi *Phœaces* huius insulæ Coloni, de quibus tam multa *Homerus*. *Ceraunia* quoque dicitur apud *Apollonium* 4. *Argon*. Apud *Æthicum* *Cassiope* ab urbe cognomine. *Eustathius* quoque notat vocatam esse *Scheriam*, *Argos*, & *Drepanem*: & *Drepanem* quidem, vel à falce quam à *Vulcano* impetrarat *Ceres*, eamque hic defoderat, vel ab eâ quâ *Saturnus* patrem exsecuit. Inuenitur quoque dicta *Macris* à *Macride* Nymphâ *Bacchi* nutrice.

QUANTITAS. Ex Tabulis Ptolemæicis, eiusque mensurandi ratione *Longitudo* Eubœæ ab urbe *Cassiope*, ad *Leucimna* Pro. erat 583. stadiorum. *Latitudo* ab *Amphipego* Prom. ad *Corcyram* urbem 166. stadiorum.



QUALITAS. Fertiles agros hinc fuisse intelligimus ex studio Agriculturæ, quod in huius insulæ cultoribus viguit. Distabat tantum 12. passuum millibus ab Epiro, seu stadiis 96. cui frumenta sufficiebat.

MORES. *Strabo* Corcyræos ait eadem tonsurâ, linguâ, chlamyde, cum Macedonibus vsos. Rei nauticæ fuere peritissimi, ideoque ditissimi, & deliciis omnibus abundantes. Superbiæ & fastus ab omnibus arguuntur, & eorum scuticæ abiere in Paræmiam, de qua lege Adagiographos.

POLITIA. Olim Corcyræi habuere suos Reges inter quos numerantur Alcæus, & Alcinous Nasicæ pater, qui Phæacibus imperabat. Ex Melitâ Insulâ prodiisse Phæacas dicemus lib. 5. huius partis. Postea in Reip. formam transit, & ad tantam excreuit potentiam, vt Colonias aliquot emisit, quarum celeberrima Epidamnus, cuius causâ Græci tantâ obstinatione concurrere. Sola Eubœa 60. naues ad bellum Persicum misit: postea adeò deserta fuit, vt locum inquinatissimo Prouerbio dederit.

De aliis Insulis Lemno, Cephaleniâ, Zacyntho, Sporadibus, Cycladibus dicemus in Geographica descriptione.

## C A P V T VII.

*Achaia, seu Helladis Geographica descriptio.*§. I. *Attica, hodie le Duché de Setines, ou d' Athenes.*

CONTINENS { ATHENÆ, hodie *Setines*, tam celebres vt nullius egeant præconio, inquit *Plinius*; commune totius Græciæ ἄστυν Ἰων Aristidi, ἀστὸν Antonomasticos dicta, cuius incolæ dicti *Astici, Pelasgi, Cranai, Cecropide, Iones*, & tandem *Athenienses*, ait *Stephanus*, à Minerua Ἀθηνᾶ. Hanc descriptam vides accuratè in Tabulâ, vbi inter duos Fl. Cephisum & Ilissum iacet cum arce celeberrimâ in qua olea bello Persico mirabiliter succreuit, & Tyrannorum receptaculum fuit. Vides hinc quoque *Academiâ, Lyceum*, & alia loca quæ satis est indicasse. De Portibus vrbi coniunctis per longos muros dicemus in orâ Maritimâ.

Oenoe, vrbs in confinio Bœotix & Atticæ, bello Pelopon-